



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ**

Ո Ր Ո Շ ՈՒ Մ

Հայցադիմումը վարույթ ընդունելու մասին

12 սեպտեմբերի 2023թ.

ք. Երևան

ՀՀ Երևան քաղաքի ընդհանուր իրավասության քաղաքացիական դատարանը՝ նախագահությամբ դատավոր Դանիել Մխեյանի, քննության առնելով թիվ ԵԴ2/19862/02/23 քաղաքացիական գործով հայցադիմումը վարույթ ընդունելու հարցը.

Պ Ա Ր Զ Ե Ց

Հայցվոր «ՊՐՈ ՇԻՆ» ՍՊԸ-ն (այսուհետ՝ նաև Հայցվոր) հայցադիմում է ներկայացրել Երևան քաղաքի ընդհանուր իրավասության քաղաքացիական դատարան (այսուհետ՝ նաև Դատարան) ընդդեմ պատասխանող Երևանի քաղաքապետարանի (այսուհետ՝ նաև Պատասխանող կամ Քաղաքապետարան)՝ հայցելով անվավեր ճանաչել (վերացնել) Երևանի քաղաքապետարանի կողմից իր կարիքների համար Երևան համայնքի բազմաբնակարան շենքերի վերելակների ձեռքբերման նպատակով 10.02.2023թ. թիվ 3 որոշմամբ հայտարարված թիվ «ԵՔ-ԲՄԱՊԶԲ-23/8» ծածկագրով (այսուհետ՝ նաև Ծածկագիր) գնման ընթացակարգի (այսուհետ՝ նաև Ընթացակարգ) գնահատող հանձնաժողովի (այսուհետ՝ նաև Հանձնաժողով) 14.07.2023թ. նիստի թիվ 4 արձանագրությամբ (այսուհետ՝ նաև Արձանագրություն 4)՝ «ՊՐՈ ՇԻՆ» ՍՊԸ-ին շտկում կատարելու մասին և 20.07.2023թ. նիստի թիվ 5 արձանագրությամբ (այսուհետ՝ նաև Արձանագրություն 5)՝ «ՊՐՈ ՇԻՆ» ՍՊԸ-ի հայտն անբավարար գնահատելու և մերժելու մասին կայացված որոշումները:

Դատարանը (դատավոր՝ Լ. Սաղոյան) 04.08.2023թ. կայացրել է հայցադիմումը վերադարձնելու մասին որոշում:

Կրկին ներկայացված հայցադիմումը 28.08.2023թ. հանձնվել է դատավոր Տ.Գրիգորյանի կազմին:

Դատարանը (դատավոր՝ Տ.Գրիգորյան) 30.08.2023թ. կայացրել է հայցադիմումը վերադարձնելու մասին որոշում:

Հայցվորը որոշումը ստացել է 04.09.2023թ.-ին և օրենքով սահմանված եռօրյա ժամկետում կրկին ներկայացրել է Դատարան, մուտք է եղել 07.09.2023թ.-ին, Դատավոր Դ. Մխեյանի աշխատակազմին է հանձնվել 12.09.2023թ.-ին:

Դատարանն արձանագրում է, որ Հայցվորի կողմից վերացվել են Դատարանի 30.08.2023թ. որոշմամբ արձանագրված խախտումները, հայցադիմումը ներկայացված է ՀՀ քաղաքացիական դատավարության օրենսգրքի 121-րդ և 122-րդ հոդվածների պահանջներին համապատասխան և բացակայում են նույն օրենսգրքի 126-րդ և 127-րդ հոդվածներով սահմանված հայցադիմումի ընդունումը մերժելու կամ վերադարձնելու հիմքերը:

Դատարանն արձանագրում է, որ սույն վեճը քննության նպատակով 27.2 գլխով սահմանված հատուկ հայցային վարույթի կարգով, որպիսի պարագայում կրկին ընդունելով



ՔԴՕ 234.6-րդ հոդվածը, անհրաժեշտ է Պատասխանողից պահանջել գնման գործընթացի հետ կապված վերջինիս տիրապետման տակ գտնվող բոլոր ապացույցները:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 199-200-րդ հոդվածներով՝

Ո Ր Ո Շ Ե Ց

1. Հայցադիմումն ընդունել վարույթ:

2. Պատասխանող Երևանի քաղաքապետարանից պահանջել գնման գործընթացի հետ կապված պատասխանողի տիրապետման տակ գտնվող բոլոր ապացույցները:

3. Պարզաբանել կողմերին, որ՝

- ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում, և այդ ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

- վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

- պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարինությունը իրենից անկախ պատճառներով:

- հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:

- գործը դատական նիստում քննելու վերաբերյալ միջնորդությունը գործին մասնակցող անձը կարող է ներկայացնել մինչև հայցադիմումի պատասխան ներկայացնելու համար սահմանված ժամկետի լրանալը:

- քաղաքացիական դատավարության օրենսգրքի 234.11 հոդվածի համաձայն՝ պատվիրատուի և գնահատող հանձնաժողովի գործողությունների (անգործության) և որոշումների (բացառությամբ «Գնումների մասին» Հայաստանի Հանրապետության օրենքի 6-րդ հոդվածի 2-րդ մասով նախատեսված որոշումների) բողոքարկումն ինքնաբերաբար կասեցնում է գնման գործընթացը՝ սույն օրենսգրքի 234.6-րդ հոդվածի 5-րդ մասով նախատեսված որոշումը հրապարակվելու օրվանից մինչև վեճի քննության արդյունքներով առաջին ատյանի դատարանի կայացրած եզրափակիչ դատական ակտն ուժի մեջ մտնելու օրը:

4. Գործով եզրափակիչ դատական ակտը կիրառարակվի դատական պաշտոնական կայքի միջոցով 2023թ. հոկտեմբերի 16-ին:

5. Որոշումն օրինական ուժի մեջ է մտնում կապման պահից և ենթակա չէ բողոքարկման:

ԴԱՏԱՎՈՐ՝



Դ. ՄԻՆԵՅԱՆ